



**ԱՄԵՆԱՅՆ ՀԱՅՈՑ ՎԵՀԱՓԱՌԻ ՀԱՅՐԱՊԵՏԻ  
ԳԱՀԱԿԱԼՈՒԹՅԱՆ ՏԱՍՆԵՐՈՐԴ ՏԱՐԵԴԱՐՁԻ ԱՌԹԻՎ  
ՀԱՍԱՐԱԿԱԿԱՆ ԵՎ ՄՏԱՎՈՐԱԿԱՆ ԳՈՐԾԻՉՆԵՐԻՑ  
ՍՏԱՑՎԱԾ ԹՆՈՐՀԱՎՈՐԱԿԱՆ ՀԵՌԱԳՐԵՐՆ  
ՈՒ ԳՐՈՒԹՅՈՒՆՆԵՐԸ**

**ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ  
Վ Ա Զ Գ Ե Ն Ա-Ի Ն**

**Է Զ Մ Ի Ա Ծ Ի Ն**

Սփյուռքահայության հետ մշակութային կապի կոմիտեի և անձամբ իմ անունից ջերմորեն շնորհավորում եմ Ձեզ Ձեր գահակալության տասներորդ տարեդարձի առթիվ:

Անցած տասը տարիների ընթացքում Ձեր ականիվ ջանքերը ուղղված են եղել Սփյուռքի և հայրենիքի կապերի ամրապնդման, տարագիր հայությունը հայրենիքի շուրջ համախմբելու, ժողովուրդների միջև խաղաղություն պահպանելու աշխատանքին:

Ձեզ ցանկանում ենք քաջամողջություն, անսպառ եռանդ ու կորով Ձեր հայրենանվեր ու ազգագուտ գործունեության մեջ:

**Հ Ա Մ Ա Զ Ա Ս Պ Յ Ա Ն**

Սփյուռքահայության հետ մշակութային կապի  
կոմիտեի նախագահ

Ե Ր Ե Վ Ա Ն

\*

Սրտագինս շնորհավորում ենք Ձերդ Սրբությանը Ձեր գահակալության երջանիկ և բեղմնավոր տասնամյակի առթիվ, որպես արհեստագույն հայ հայրենասերի, որպես ժողովուրդների միջև խաղաղության և բարեկամության միջազգային շարժման ակնաավոր գործչի և որպես բուլղարա-սովետական բարեկամության ամենաջերմ կողմնակցի:

Մաղթում ենք Ձերդ Սրբության քաջամողջություն և կորով Ձեր հետագա բազմամյա գործունեության համար:

**Մ. ԲՅՈՒՉՅՈՒԿՈՎ**

Բուլղարիայի կրոնական դավանությանց գործերի  
կոմիտեի նախագահ

Ս Ո Յ Ի Ա

\*

Հայ Եկեղեցու Մայր Աթոռի վրա Ձեր գահակալության տասներորդ տարեդարձի երջանիկ առթիվ, Հայկական բարեգործական ընդհանուր միությունը իր հապավոր անդամների կողմից հայտնում է Ձերդ Սրբության իր ջերմագին շնորհավորությունները և սրտագին մաղթանքները, Ձեր առողջության և Ձեր ծրագրերի իրականացման, հայ ժողովրդի հոգևոր բարեկեցության համար:

**ԱԼԵՔՍ ՄԱՆՈՒԿՅԱՆ**

Հայկական բարեգործական ընդհանուր միության կենտրոնական վարչության նախագահ

Ն Յ ՈՒՅ ՈՐ Բ

\*

Հարգալից շնորհավորանքներ որպես Ամենայն Հայոց Կաթողիկոս Ձեր գահակալության տասներորդ տարեդարձի առթիվ:

Թո՛ղ Աստված երկարացնի Ձերդ Սրբության երջանիկ իշխանությունը և առավել պտղառատ դարձնի:

**ԱԶԵՐԵՂՈ ՊԵՐՏԻԳԱՆ**

Նախագահ Գալուստ Կյուլպենկյան հիմնարկության

Լ Ի Ս Ա Բ Ո Ն

\*

Թույլ տվեք շնորհավորել Ձեզ Ձեր գահակալության տասներորդ տարեդարձի առթիվ իբրև Ամենայն Հայոց Կաթողիկոսի:

Ինձ հաճելի է մատնանշել այն մեծ հեղինակությունը, որը Դուք վայելում եք ամբողջ աշխարհի հայ հավատացյալների շրջանում: Ձեր հասարակական-եկեղեցական գործունեությունը մեծապես նպաստում է բարու և բարեկամության հաստատմանը մարդկանց միջև ու խորին հարգանք առաջացնում Ձեր անձի նկատմամբ:

Մաղթում եմ Ձեզ քաջառողջություն, երջանիկ հովվապետություն և նորանոր հաջողություններ:

Խորապես Ձեզ հարգող՝

**Ա.ՐԱՄ ԽԱԶԱՏԻՅԱՆ**

Մ Ո Ս Կ Վ Ա

\*

Մեծ ուրախությամբ իմացանք, թե ի՛նչպես հանդիսավոր կերպով նշվեց վերջին օրերին Էջմիածնում Ձեր գահակալության տասնամյակը:

Թույլ տվեք միացնել մեր համեստ ձայնը բազմաթիվ շնորհավորանքներին, որ Դուք ստանում եք այս օրերին աշխարհի պանապան անկյուններից:

Մենք ինքներս ականատես ենք եղել այդ երկրներում, թե ի՛նչպես Ձեր մեծ հեղինակությունը, Ձեր ղեկավարության ոգին, լեզուն և մշակությունը վարճացնում և ամրացնում են սփռված հայ ժողովրդի մեջ սերը դեպի Մայր Հայրենիքը, դեպի Խորհրդային Հայաստան:

Սրտանց կցանկանանք Ձեզ քաջառողջություն, երկար տարիներ, ամենայն հաջողություններ Ձեր գորունեության մեջ, ի փառս մեր ժողովրդի:

**Ա. ԹՈՒՄԱՆՅԱՆ**

**ՀԱՄԱԶԱՍՊ ՀԱՐՈՒԹՅՈՒՆՅԱՆ**

Մ Ո Ս Կ Վ Ա

\*

Մեզ համար դեռ թարմ են Ձերդ Սրբության այս երկրին այցելության քաղցր հիշատակները:

Ես անկեղծորեն և խորապես պզգցված եմ այն սիրույն և խանդաղատանքին համար, որոնք Ձերդ Սրբությունը արտահայտեց ինձ այն գեղեցիկ հուշանվերով, որ Ձերդ Սրբությունը ուղարկեց Ադդիս-Աբեբայից, Հայր Զ. Փիլիպոսի միջոցով:

Վերջերս ես եղա Եթովպիայում, որպես Հնդկաստանի կառավարության նախագահին ուղեկցող մինիստր: Այդ հանգամանքով այցելեցի նաև Հարավսլավիա, Չեխոսլովակիա և Ռումինիա:

Հուրախություն Ձերդ Սրբության հաշտում եմ, որ շարունակում եմ կապ պահպանել Հնդկաստանի հայ համայնքի հետ: Նորին գերաշնորհություն Տ. Հայկապուն արքեպիսկոպոսի հյուրը լինելու առիթը ունեցա, երբ Կալկաթայում էի: Այցելեցի նաև Բոմբեյի հայ եկեեցու հովվին, երբ այնտեղ էի վերջերս:

Երկու վայրերում ևս հանդիպեցի հայ համայնքի գլխավոր անդամներին: Այս նամակիս շարժառիթն է Ձեր Ամենայն Հայոց Կաթողիկոս և Ծայրագույն Պատրիարք ընտրության տասներորդ տարեդարձը: Թույլ տվեք Ձեզ հաղորդել իմ հարգալիք բարեմաղթությունները և աղոթել մեր Տիրոջ, որ Ձերդ Սրբության վրա անպակաս անի Իր օրհնության շնորհները, ծառայելու առհասարակ մարդկության և հատկապես առաջնորդելու Ձերդ Սրբության խնամքին հանձնված Զրիստոսի հոտը:

Խնդրելով Ձերդ Սրբության օրհնությունները ինձ և իմ ընտանիքի համար, Ձերդ Սրբության հոգևոր որդին ի Տերն մեր Զրիստոս,

Ա. Մ. ԹՈՎՄԱՍ

Ն Ո Ր Դ Ե Լ Հ Ի

Հնդկաստանի պաշտպանության արդյունաբերության մինիստր

\*

Ձերդ Ա. Օծության բարեբաստիկ գահակալության տասնամյակի անօթիվ, ներկայիվ գալիս ենք Ձերդ Վեհափառության ներկայացնելու Թեհրանի էջմիածնական հայության որդիական հավատարմության ջերմ պզգամունքների հավաստիքը:

Խնդրում ենք, որ հաճիք մեր ուղարկած չնչին նվերը ընդունել որպես հիշատակ այդ օրհնաբեր օրվան և որպես խորհրդանիշ ու առհավատչյա Մայր Աթոռիդ հանդեպ մեր ունեցած սիրո, նվիրման և ակնածության:

Այսօր համայն հայրենասեր ու հայրենանվեր հայությունը հպարտ է իր աստվածընտիր Հայրապետով, որին մաղթում է արևշատություն և կատարյալ հաջողություն Հայաստանյայց Եկեղեցու վերապարթնումի և բարեկարգման համար ի սպաս դրած Իր աստվածահաճո բոլոր ծրագրերի:

Շնորհակարդ Տե՛ր, վստահ ենք, որ Հայաստանյայց Եկեղեցու վրա կուտակված արհեստական ժամանակավոր ամպերը մի օր պիտի ցրվեն և իրանահայությունը վերստին երջանկությունը կունենա ստանալու Միանաեջ Սեղանի աստվածառաք պատգամները և հաղորդվելու նրա անիմանալի խորհրդով և իմացությամբ, որովհետև, ինչպես ասել է իրանահայ երանելի պատմիչը, Առաքել Դավրիժեցին, «ի վերայ էջմիածնի և Ա. Աջոյն ամենայն ապս Հայոց կապեալ կան»:

Որդիական խորին ու անկեղծ ակնածանքով, ի դիմաց Թեհրանի էջմիածնական հայության՝

Թ Ե Լ Ր Ա Ն

(Ստորագրություններ)

\*

Հ. Բ. Ը. Միության Մելքոնյան կրթական հաստատության պատվարժան հոգաբարձությունը, տնօրենությունը, ուսուցչական կազմն ու համայն աշակերտությունը, խոր հրճվանքով ու արդար հպարտությամբ, կողջունեն Ձեր գահակալության տասնամյակը: Այս բարեբաստիկ առիթով, կշնորհավորենք Ձեզ ջերմապես և սրտագին կմաղթենք, որ ամենաբարին Աստված պարզևե Ձեզի երկար և երջանիկ կյանք՝ հոգուտ Հայաստանյայց Առաքելական Ս. Եկեղեցվո և համայն հայության:

Վեհափառ Տեր, գիտենք, թե Ձեր գահակալության այդ տասը տարիները Ձեզի ու Ձեր հոտին հարապատ ու հավատարիմ բոլոր զավակներուն համար ալ եղան որքան ցնծության, նույնքան ալ ցավի շրջաններ: Ձեր ազնիվ հոգին ուրախացավ, երբ կրցավ ի կատար ածել հանրօգուտ ու ազգապարծան ծրագիրներ, ինչպես երբ վերանորոգեց ու պայծառացուց Մայր Տաճարն ու Վեհարանը, աճեցուց ու աշխուժացուց Հոգևոր ճեմարանը, բարելավեց ու ճոխացուց պաշտոնաթերթ «Էջմիածին» ամսագիրը, արդիականացուց տպարանն ու նոր թափ տվավ անոր, վերականգնեց Գայանեի, Հռիփսիմեի, Օշականի և այլ սրբավայրերու եկեղեցիները, կազմակերպեց և կենդանացուց խորհրդային սահմաններեն ներս ու դուրս գտնվող էջմիածնապատ-

կան թեմերը, հաճախակի օրհնաբեր այցելություններով մխիթարեց ու ներշնչեց ի սփյուռու աշխարհի ցրված Իր հոգևոր հոտը: Բայց Ձեր բարի հոգին տրտմեցավ խորապես, երբ դժվար եղավ պահել Հայ Եկեղեցվո դարավոր միությունն ու միասնականությունը:

Վեհափառ Տեր, հանձին Ձեզ, մենք կողջունենք ու կշնորհավորենք սրբակրոն մարդը, առաքելատիպ առաջնորդը և անձնդիր Հովվապետը: Նախախնամական կարգադրությամբ մըն էր, կարծես, որ ասկե տասը տարի առաջ, Ձեզի վիճակվեցավ Էջմիածնի Մայր Աթոռի գահակալությունը, որպեսզի սկսիք վերաշինության ու վերակենդանության սրբապան գործին, ի հայրենիս թե ի սփյուռու աշխարհի: Գահակալության Ձեր այս տասնամյակին առիթով, որ խոր խնդությամբ ու մեծ շուքով կտոնախմբվի հիմա, Էջմիածնի Մայր Տաճարին ու Վեհարանին սրբապան կամարներուն տակ, բարեհաճեցեք ընդունիլ, Վեհափառ Տեր, մեր սրտագին շնորհավորություններն ու անկեղծ մաղթանքները:

Աստված միշտ անսասան թող պահե շնորհալի Մայր Աթոռը իր Գահակալով, միաբանությամբ և համայն հավատացյալ հոտով, հայրենիքին պարզևե բարօրի ու բարգավաճ տարիներ և ամբողջ աշխարհին ալ շնորհե իր խաղաղությունը:

Մատչելով ի համբույր Ձեր Ա. Աջույն, մնամ որդիական խորին ակնածանոր, Ձերդ՝

#### Ա. ՊԵՏՅԱՆ

Տնօրեն Մելքոնյան կրթական հաստատության

Ն Ի Կ Ո Ջ Ի Ա

\*

Ձերդ Ա. Օծության տասնամյա տոնակատարությունը, որ տեղի ունեցավ Ա. Էջմիածնի գմբեթներուն տակ, հրճվեցուց Ձեր հարապատներուն հոգիները:

Արդարև, Վեհափառ Տեր, նույն օրը, սուրբ պատարագի պահուն, մատռանս մեջ, հոգիով վերացած ու կրկնակի խանդավառված մտքով Ձեզ հետ էինք:

Հետ սուրբ պատարագի, զոր մատուց պատրիարքական փոխանորդ Տ. Հարություն քահանա, փառաբանական աղոթք կատարվեցավ Ձերդ Վեհափառության թանկագին կենաց արևաշատության և հայրապետական Ա. Աթոռույն անսասանության համար:

Իցի՛վ Տերը հաճի լսել մեր ծայները, մեծին ու անմեղ փոքրին, և շնորհե Ձերդ Վեհափառության երկար, քաջառողջ կյանք ու անվիշտ օրեր:

Ուրախ այս առիթով, կփութամ ի սրտե շնորհավորել Ձերդ Վեհափառությունը սրտիս ամենեն անկեղծ իղձերով ու մաղթանքներով, որոնց կծայնակցին ուխտակից որբասեր թույրերս, հաստատությանս նորընտիր խնամակալությունը, ուսուցչական կազմը և Ձեր հոգևոր հարյուրյակ մը անմեղ զավակները:

Մատչելով Ձերդ Վեհափառության օծյալ Ա. Աջույն, կմնամ ամենախորին պատկառանք,

Ս Ս Ա Մ Բ Ո Ի Լ

ՄԱՐԻԱՄ ԱՎԱԳ ՍԱՐԿԱՎԱԳ ԶՅՈՍԵՅԱՆ

\*

Վեհափառ Հայրապետի գահակալության տասներորդ տարեդարձի բարեբաստիկ առթիվ Մայր Աթոռում ստացվել են նաև բազմաթիվ շնորհավորական հեռագրեր և գրություններ բարձրաստիճան հոգևորականներից, թեմերից, թեմական կազմակերպություններից, ազգային-եկեղեցական մարմիններից, հայրենակցական, մշակութային միություններից, մամուլի ներկայացուցիչներից և անհատ ազգայիններից:

Վեհափառ Հայրապետը խոր գոհունակությամբ Իր շնորհակալական խոսքն է ձղել բոլորին, սրտաբուխ բարի մաղթանքներով և օրհնությամբ:

